



EXPTE : 3176/2025

CONVENIO REGULADOR DE SUBVENCIÓN PREVISTA NOMINATIVAMENTE NO ORZAMENTO DO CONCELLO DE BAIONA A FAVOR DA ONG "AYUDA AL MUNDO NECESITADO"

En Baiona a 28 de novembro de 2025

REÚNENSE:

Dunha parte, **Don Jesús Vázquez Almuíña**, con DNI 36049165T, Alcalde-Presidente do Excmo. Concello de Baiona, en virtude do seu cargo e en uso das facultades que lle veñen conferidas pola normativa vixente.

Doutra parte, **Dona Juana Alonso Alonso**, con DNI: 35.977.958-R, en representación da ONG "Ayuda al mundo necesitado" con NIF G36880482, facultade que se deriva da súa condición de Presidenta da devandita asociación.

Ambas partes se recoñecen mutuamente a capacidade xurídica e de obrar necesarias e suficientes para celebrar o presente convenio de colaboración, de acordo co disposto no artigo 3 da Lei 39/2015, do 1 de outubro, de Procedemento Administrativo Común das Administracións Públicas, a cuxos efectos

MANIFESTAN:

I. Que de conformidade co disposto no artigo 25.1 da Lei 7/1985, do 2 de abril, reguladora das Bases de Réxime Local, o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúen a satisfacer as necesidades e aspiracións da comunidade veciñal, de acordo cos termos previstos no mesmo artigo.

II. Que, de acordo co artigo 25.2 da citada Lei 7/1985, é competencia municipal propia a avaliación e información de situacións de necesidade social e a atención inmediata a persoas en situación ou risco de exclusión social.

III. Que a Lei 13/2008, de servizos sociais de Galicia sinala no seu artigo 60.1.a) e h) como competencias da administración local a creación, xestión e mantemento dos servizos comunitarios básicos, así como o fomento e promoción da solidariedade e da participación da sociedade civil na prevención e intervención social no ámbito local.

IV. Que dentro das formas de actividade das administracións públicas, son de gran importancia as de fomento das actividades de interese público ou social que se desenvolven dende instancias cidadás e que resultan complementarias das actuacións municipais directas.

Concretamente, a subvención instrumentada a través dos oportunos convenios supón a participación deste Concello no financiamento de actividades, a iniciativa e organización das cales corre a cargo dos particulares, sempre que estas actividades se poidan considerar de interese público ou social.



V. Que o Pleno do Concello, en sesión do 14 de maio de 2025, aprobou o Orzamento Xeral de 2025, o cal inclúe dentro das Bases de Execución unha relación de subvencións nominativas outorgadas polo procedemento de concesión directa para o ano 2025.

VI. Que nesta relación de subvencións nominativas consta a favor da ONG "Ayuda al mundo necesitado" unha subvención por importe de 1.500€, cantidade para a que se dotou o crédito correspondente á aplicación orzamentaria 231-48905 do Orzamento Xeral do Concello de Baiona para 2025.

VII. A concesión desta subvención se encadra no establecido no artigo 22.2.a) da Lei 38/2003, do 17 de novembro, Xeral de Subvencións, e na Ordenanza Xeral de Subvencións do Concello de Baiona.

Que a ONG "Ayuda al mundo necesitado" ten entre os seus fins, entre outras, a finalidade de axudar ás persoas con máis necesidades e carencias na vida diaria, proporcionándolles alimentos, calzado e todo aquilo que sexa de primeira necesidade para saír de esta situación.

Que a ONG "Ayuda al mundo necesitado", levará a cabo un programa denominado **"AXUDA COMPRA DE ALIMENTOS "AYUDA AL MUNDO NECESITADO"** consiste nun conxunto de actuacións dirixidas a dar resposta as necesidades alimenticias a persoas e familias en situación de vulnerabilidade económica.

Trátase dun servizo que ven realizando a ONG de forma continuada no Concello de Baiona dende hai moitos anos e para o cal, debido á grande demanda derivada da situación socioeconómica actual, solicitan colaboración.

Para contibuír ó logro do devandito obxectivo, ó amparo do disposto na lexislación vixente, e en particular o artigo 28 da Lei 38/2003 do 17 de novembro Xeral de Subvencións sobre concesión directa de subvencións, a ONG "Ayuda al mundo necesitado" e o Concello de Baiona acordaron a subscripción do presente convenio de colaboración, o cal se regulará de conformidade cos seguintes

PACTOS:

PRIMEIRO. OBXECTO DO CONVENIO

O obxecto deste convenio é a regulación dunha subvención, prevista nominativamente no Orzamento Xeral do Concello a favor da ONG "Ayuda al mundo necesitado", co obxecto de establecer as bases de colaboración entre o Concello de Baiona e esta Asociación para axudar con alimentos de primeira necesidade ás familias desfavorecidas e con poucos recursos do concello.

SEGUNDO. FINANCIAMENTO DA ACTIVIDADE SUBVENCIONADA

O Concello de Baiona establece unha achega económica de 1.500€ para a organización do programa **AXUDA COMPRA DE ALIMENTOS "AYUDA AL MUNDO NECESITADO"**. Dito importe de 1.500€ impútase con cargo á aplicación orzamentaria 231-48905 do Orzamento Xeral de 2025.



Esta subvención é compatible coa percepción doutras subvencións, axudas, ingresos, ou recursos para a mesma finalidade, procedentes de outras administracións ou entes públicos ou privados. Non obstante, en ningún caso, o importe dos fondos recibidos poderán superar o custe da actividade ou proxecto subvencionado.

TERCEIRO. ACTUACIÓN SUBVENCIONADA E PRAZO DE REALIZACIÓN

A actuación subvencionada, seguirá o proxecto presentado na sede electrónica do Concello, en data 31/07/2025, denominado **AXUDA COMPRA DE ALIMENTOS "AYUDA AL MUNDO NECESITADO"**

As actividades a desenvolver serán:

- Compra de alimentos
- Entrega de alimentos ás familias

Os beneficiarios directos persoas en situación de necesidade do concello de Baiona así como transeúntes.

Estímase que ou número de beneficiarios directos sexa entre 50 e 55 familias.

A vixencia do presente convenio estenderase dende a data da súa firma e ata o 31 de decembro de 2025.

CUARTO. Obrigas do beneficiario.

- Non estar incurso en prohibicións para a obtención da condición de beneficiario do artigo 10 da Lei 9/2007, de 13 de xuño, de Subvencións de Galicia.
- Estar ó corrente no cumprimento das obrigas tributarias coa Facenda estatal, autonómica e local e fronte a Seguridade Social.
- Destinar a subvención exclusivamente para as actividades para o que se solicitou e concedeu. Cumprir o obxectivo, executar o programa e realizar as actividades subvencionadas, e acreditálo conforme o establecido na cláusula sétima deste convenio, acreditando a realización do programa así como o cumprimento dos requisitos e condicións que determinaron a concesión ou goce da axuda.
- Comunicar ó Concello de Baiona a obtención de calquera outra achega económica, institucional ou privada, que financien as mesmas actividades subvencionadas.
- Someterse ás actuacións de comprobación e seguimento da actividade e de control financeiro que puideran realizar os distintos servizos do Concello, presentando a documentación esixida, así como facilitando calquera comprobación que por parte do Concello se estime conveniente realizar.
- Difundir o carácter público do financiamento da actividade en calquera material impreso, carteis, medios electrónicos ou audiovisuais referentes á actividade subvencionada. Facendo constar en toda a publicidade ou información da actividade subvencionada o logotipo do Concello de Baiona.



QUINTO. Forma de pagamento.

O pagamento farase efectivo no prazo dun mes desde a aprobación da conta xustificativa comprensiva da documentación referida na cláusula sétima do presente Convenio.

SEXTO. Órgano Xestor.

Ten a condición de órgano xestor desta subvención os servizos económicos do Concello de Baiona. Todo trámite relacionado con esta subvención se sustentará a través do mencionado órgano xestor.

SÉTIMO. Xustificación.

Para poder percibir a subvención, a ONG “Ayuda al mundo necesitado” deberá presentar antes do 15 de decembro de 2025, a través da sede electrónica: baiona.sedelectronica.gal, unha instancia subscrita pola persoa co cargo de presidente da entidade dirixida ó Alcalde do Concello de Baiona na que solicite o pago da subvención, no número de conta corrente indicada na mesma, achegando a conta xustificativa simplificada, de acordo co artigo 75 do Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, Xeneral de Subvencións, que comprenderá a seguinte documentación:

1. Memoria xustificativa, subscrita polo beneficiario ou seu representante, indicativa das actividades desenvoltas (se concretará o número de participantes); así como, o cumprimento das condicións impostas na concesión da subvención e dos resultados obtidos.
 2. Carteis, folletos ou outra documentación acreditativa da debida divulgación do financiamento da actividade por parte do Concello.
 3. Relación subscrita polo beneficiario ou seu representante expresiva da totalidade dos gastos e investimentos derivados da actividade, debidamente desagregados e detallados, xunto coa relación desagregada dos ingresos que financian a actividade, onde se deberá indicar o seu importe, procedencia e aplicación. No caso de que se xustifique menos importe do sinalado no orzamento presentado pola asociación, indicaranse as desviacións acaecidas.
 4. Facturas orixinais (con todos os requisitos esixidos polo RD 1496/2003) ou documentos análogos con valor probatorio no ámbito mercantil e administrativo, por importe igual ou superior ó da subvención outorgada, xunto coa acreditación de realizar o pago (xustificante de transferencia bancaria).
- Así mesmo, achegarase xustificante de transferencia bancaria xustificativo de que as facturas presentadas foron pagadas.
5. Declaración subscrita polo beneficiario ou seu representante relativa a inexistencia de outras subvencións ou axudas que fosen obtidas para a mesma finalidade ou, no seu caso, unha relación detallada doutros ingresos ou subvencións que financiasen a actividade subvencionada con indicación do importe e a súa procedencia.

A **subvencionabilidade do IVE** esixe previa acreditación da imposibilidade de recuperación ou compensación mediante achega de certificado de exención do IVE ou



recoñecemento do carácter social da entidade expedido pola Axencia Estatal de Administración Tributaria.

No caso de que o gasto xustificado na actividade pola Entidade sexa inferior ós ingresos declarados pola mesma na conta xustificativa, abonarase a parte proporcional da subvención. Para estes efectos poderás verificarse pola Administración a percepción pola Entidade de subvencións non declaradas na conta xustificativa, e que sexan publicadas na Base de Datos Nacional de Subvencións. Nese caso se minorará proporcionalmente a subvención para abonar, tendo en conta os ingresos non declarados pola Entidade.

6.- Certificados de estar ao corrente no cumprimento das súas obrigas tributarias e coa Seguridade Social.

OITAVO. Devolución e reintegro.

Conforme ó disposto no Título II da Lei 38/2003, de 17 de novembro, Xeral de Subvencións, procederá o reintegro das cantidades percibidas, incluídos os intereses de demora dende a recepción do importe da subvención, nos seguintes casos:

- a) Incumprimento da finalidade para a que a subvención foi concedida.
- b) Se o importe da subvención concedida en concorrencia con subvencións ou axudas doutras Administracións Públicas, ou doutros entes públicos ou privados, nacionais ou internacionais, superase o custo da actividade a desenvolver polo beneficiario, procederá o reintegro do exceso obtido sobre o custo da actividade desenvoltoa.

As cantidades para reintegrar terán a consideración de ingresos de Dereito público, sendo de aplicación para o seu obro o disposto no artigo 10 do Real decreto lexislativo 2/2004, do 5 de marzo polo que se aproba o Texto refundido da Lei reguladora das facendas locais, e o artigo 17 da Lei 47/2003, do 26 de novembro, xeral orzamentaria.

NOVENO. Duración do convenio.

O presente convenio, entrará en vigor o día seguinte ó da súa sinatura, e ata a realización total da actividade subvencionada e xustificado o seu financiamento. A súa vixencia estenderase ata o 31 de decembro de 2025. No caso de que o beneficiario non achegue a xustificación completa dos gastos realizados, con toda a documentación antes enumerada, como data límite o 15 de decembro de 2025, decaerá o dereito á percepción dos fondos concedidos.

O anterior é sen prexuízo dos procedementos de reintegro ou sancionadores a que puidera dar lugar, e das obrigas ás que incorra o beneficiario, así como do deber de conservación da documentación que lle impón a vixente lexislación.

DÉCIMA. Seguimento e control.

Para o seguimento e control do cumprimento do presente convenio poderás constituírse unha comisión integrada por un representante de cada unha das partes asinantes, nomeados polo Alcalde do concello e polo Presidente/a da Asociación.

A Asociación beneficiaria, estará obrigada a facilitar toda a información, no suposto de que lle sexa requirida pola Intervención Municipal no exercicio das funcións de



fiscalización e control do destino das cantidades libradas, de conformidade cos termos regulados na Lei 38/2003 e demais normativa aplicable.

Procederá o reintegro total ou parcial das cantidades percibidas no suposto de incumprimento das condicións do presente convenio ou requirimentos de xustificación que poda facer a Intervención ou o órgano municipal competente.

UNDÉCIMA. Resolución.

Son causas de resolución do presente convenio:

- A denuncia de calquera das partes.
- O incumprimento total ou parcial das obrigas estipuladas por parte de calquera dos asinantes.

DUODÉCIMA. Natureza do convenio e lexislación aplicable.

Este convenio ten natureza xurídico-administrativa. No non previsto neste convenio será de aplicación a Lei 38/2003, de 17 de novembro, Xeral de Subvencións e seu Regulamento aprobado por Real Decreto 887/2006, de 21 de xullo, e na Lei 9/2007, do 13 de xuño, de subvencións de Galicia, así como na Ordenanza Xeral de Subvencións do Concello de Baiona, aprobada polo Pleno da Corporación no ano 2005, e resto da lexislación de Réxime Local reguladora das subvencións públicas e de procedemento administrativo.

Interpretación e xurisdición. Todas as cuestións que poidan xurdir na orde á interpretación e execución do presente convenio, considerando a súa natureza xurídico-administrativa, serán sometidas á orde xurisdiccional contenciosa-administrativa.

Disposición adicional.

Este convenio obriga ás partes que o asinan ó seu cumprimento, someténdose ambas as dúas partes ó acordado en todas as súas estipulacións.

E, en proba de conformidade, asinan no lugar e data indicados no encabezamento, na sinatura electrónica deste documento

